

欽定四庫全書

普濟方卷三百四十五 明 周王朱橚 撰

產後諸疾門

產後諸疾 附論

凡婦人非止臨產須憂至於產後大須將慎危篤之至
其在於斯勿以產時無他乃縱心恣意無所不犯犯時
微若秋毫感病廣於嵩岱何則產後之病難治於餘病
也婦人產訖五臟虛羸惟得將補不可轉瀉若其有病

欽定四庫全書

普濟方

不須駛藥若行駛藥轉加增虛就中更虛向生路遠所
以婦人產後百日以來極須慇懃憂畏勿縱心犯觸及
即便行房若有所犯必身反強直猶如角弓反張名曰
蓐風則是其犯候也若似角弓命同轉燭凡婦人皆患
風氣臍下虛冷莫不由此早行房故也 凡婦人坐產
畢且飲冷童子小便一盞不得便卧且宜閉目而坐須
臆方可扶上仰卧不得側卧宜屈膝未可伸足高倚床
頭厚鋪茵蓐遮圍四壁使無孔隙免被賊風兼時時令



人以物從心擻至臍下使惡露不滯如此三日可止仍不可令多卧如多卧看承之人宜頻喚醒舊說產婦分娩了三日方可上床若三日上床則必就地睡卧又豈可令產婦近地氣乎纔生產畢且先研醋墨三分服之一法云不可服醋墨有傷肺經成咳嗽之戒誠過慮也然醋墨本破凝結之血然不可用大釀之醋仍不可太多即不至傷肺然所在皆同亦有不吃者更產後三日內令產婦嘗聞醋炭氣或燒乾漆烟若無乾漆以破舊

欽定四庫全書

普濟方

漆器燒之以防血迷血逆血暈不省之弊夏月宜於房外燒磚以醋沃置於房中夏月房中不須着火及煮粥煎藥之類分娩之後須更且食白粥一味不可令大飽頻少與之為妙遂日漸增之煮粥時須是煮得如法不用經宿者又不可令溫冷不調恐留滯成疾仍時與童子小便一盞飲之亦須預脩小便若遇夏月以薄荷養之新產後不問腹痛有病無病以童子小便以酒和半盞溫服五七服妙一臈也七日之後方可少進醇酒并些



小鹽味 一法纔產不得與酒緣酒引血逆入四肢兼
產母臟腑方虛不禁酒力熱酒入腹必至昏悶七日之
後小進些酒不可多飲如未出月間欲酒吃或服藥者
可用淨黑豆一升炒至無烟以無灰酒五升燒淋仍加
好羌活一兩洗淨拍破同浸尤妙當用此酒下藥或時
時飲少許可以避風邪養氣血下惡露行乳脉也如產
婦素不善飲酒或夏月之間亦不許強飲一臈之後恐
吃物無味可爛煮羊肉或雌雞汁畧用滋味作粥飲之

欽定四庫全書

普濟方

或吃爛粥猪蹄肉忌母及白蹄猪肉不可過今江浙間
產婦多吃熟雞子云補益亦風俗也三月之後方可少
食溫麥麵成腫疾因食麵早也凡吃物過多恐成積滯
若未滿月不宜多語喜笑驚恐憂懼哭戚思慮恚怒強
起離床行動久坐或作針線用力工巧恣食生冷粘粳
果菜肥膩魚腥之物及不避風寒脫衣洗浴或冷水洗
濯當時未覺大損滿月凡言滿月者謂滿三月非三十
日也之後即成蓐勞手脚及腰腿痠重冷痛骨髓間颼



颼如冷風吹雖有名醫亦不療又不得夜間獨處緣去
血心虛恐有驚悸切宜謹之所有血衣洗濯不得日中
曝曝免致邪祟侵傷又不得濯足恐血氣攻下又不得
刮舌傷心刷齒及就下低頭皆成血逆血暈此產家謹
護之常法也滿月之後尤忌任意飲食觸冒風寒恣意
喜怒梳頭用力高聲作勞工巧房慾及上高廁便溺之
類如此節養攝至百晬始得血氣調和臟腑平復自然
安帖設不依此即至產後餘疾矣產婦心下堅大如旋

欽定四庫全書

普濟方

盤乃飲水所作名曰氣分 婦人童幼至天癸未行之
間皆屬少陰天癸既行皆從厥陰論之天癸已絕乃屬
太陰經也治胎產之病從厥陰經無犯胃氣及上三焦
為之三禁不可汗不可下不可利小便發汗者同傷寒
下早之證利大便則脉數而已動於脾利小便則內亡
津溢胃中枯燥製藥之法能不犯三禁則榮衛自和而
寒熱止矣如發渴而白虎氣弱則黃芪血刺痛而用以
當歸腹中疼而加之芍藥大抵產病天行從增損柴胡



雜證從增損四物宜詳察脉證而用之

方

當歸散 出大金良方 療產後氣血俱虛慎無大補恐增客熱

別致他病常令惡露快利為佳及治腹痛

當歸 芍藥 川芎 黃芩 各一兩 白朮 半兩

右為細末温童子小便或酒調下二錢如腹不痛者

米飲調之妙

加減四物湯 便產須知 治產後血虛發熱或日間明了暮則

欽定四庫全書

普濟方

發熱增寒

當歸 川芎 生地黄 山柴胡

右等分每服三錢水一大盞煎至六分去滓服

薤白湯 出千金方 治產後胸中煩熱逆氣

薤白 半夏 甘草 人參 各二兩 石膏 四兩

知母 二兩 括蕒根 三兩 麥門冬 半升

右呖咀以水一斗三升煮取四升去滓分五服日三

夜二熱甚即加石膏知母各一兩一方無石膏



| | | | | | | | | | | | |
|---------------------------|---|-----------------------------|--------------------|----------|--|---------------|---|---|--|----------|--------------------------|
| 療如覺煩熱 <small>便產須知</small> | 用圓白半夏不拘多少淨洗湯泡七次為末如大豆納鼻中即醒醫學發明云產前寒熱小柴胡湯中去半夏謂之黃龍湯主之 | 治血氣逆心煩滿 <small>出肘後方</small> | 用生竹皮一斤水三升煮取一升半分為再服 | 皂甲散 治產後魅 | 川棟皮 皂角樹皮 <small>各一斤</small> 皂角核 <small>一合</small> 石蓮 <small>一合去心</small> | 欽定四庫全書 普濟方 | 右為粗末煎湯乘熱以物為定熏通手洗於淨房中就熏洗處鋪薦席纔洗了次帛挹乾便吃玉露通真丸熱酒下二丸便仰睡 | 芎歸湯 <small>一名立效散出百一選方</small> 治婦人產後忽兩乳伸長細小如 | 將腸垂墜直過小肚下痛不可忍危在須臾名曰乳懸兼治產後惡露不下腹痛或下血太多眩暈不能支吾 | 妊娠胎動腹痛下血 | 川芎 當歸 <small>各二觔</small> |
|---------------------------|---|-----------------------------|--------------------|----------|--|---------------|---|---|--|----------|--------------------------|



右將芎歸各半舂呶咀於瓦器內用水濃煎不拘時
候多少溫服餘芎歸各舂半剉作大塊用香爐慢火
逐旋燒烟安在病人面前卓子下要烟氣直上不絕
令病人低頭伏卓子上將口鼻及病乳常吸咽氣直
候用此一料藥盡看病證如何或安或未安或畧
縮減再用一料如前法煎服及燒烟熏吸必安如此
二料已盡雖兩乳畧縮上而不能復舊者用冷水磨
草麻子一粒於頭頂心上塗片時即去則全安矣此

欽定四庫全書

普濟方

通真子秘方一方加縮砂腹中刺痛加芍藥口乾煩
渴加烏梅麥門冬發寒加乾薑白芍藥水停心下微
有嘔逆加茯苓生薑虛煩不得眠加人參竹葉大便
閉澀加熟地橘皮杏仁小便不利加車前子腹脇膨
脹加厚樸血崩不止加香附子咳嗽痰多加紫苑半
夏生薑腰痛脚痛加牛膝心下疼痛加玄胡索惡血
不下腰腹重痛加牡丹皮煎

治婦人臨產服催生藥驚動太早未當離經而用力大



| | | | | |
|---|-----------------------|--|---|---|
| <p>過以致育膜有傷產後水道中垂出肉線一條約三四尺長牽引心腹痛不可忍以手微動之則痛苦欲絕龍興鐵柱觀前有一產婦患此諸醫皆用失笑散雖畧止痛而不能得肉線離脫後有一道人來問證因白諸醫用失笑散儘不瘥但不能絕根乃買老薑三觔淨洗不去皮於石鉢內研爛用清油二觔拌勻入鍋內烩熟以油乾焦為度先用熟絹一段約五尺長摺作結方令穩重婦人輕盛起肉線使之屈曲作一團納於水道中却</p> | <p>欽定四庫全書 普濟方</p> | <p>用絹袋兜裹油薑稍溫傳在肉線上熏覺姜漸冷又用熨斗火熨熱使之常有薑氣如薑氣已過除去又用心如此熏熨一日一夜其線已縮大半再用前法越兩日其肉線盡入腹中其病全安不復痛矣却服失笑散芎歸湯補理道人云此乃魏夫人秘傳怪病方切不可使肉線斷作兩截一斷則不可醫</p> | <p>當歸散 <small>出大全良方</small> 治產後補虛益血</p> | <p>當歸 羌活 <small>各一兩</small> 延胡索 <small>五錢</small></p> |
|---|-----------------------|--|---|---|



| | | | | | | | | | | | | | | | | |
|--------------------------------|---------------------------------------|--------------------------|-----------------|----------------------|----------|---|---|---------------|----------------|---|---|---|-----------------|--|-------------|----------------------|
| 川烏 一兩 <small>炮去皮</small> | 五靈脂 二兩 <small>沒藥 二錢</small> | 得勝丸 治婦人產後血氣虛冷腰腹大痛便利膿血 | 五升後下諸藥更煎取三觔分溫三服 | 右先以白羊肉三觔去膜以水一斗九升煮肉取汁 | 人參 二兩 | 黃芪 白朮 當歸 甘草 生薑 <small>各二兩 各二兩 四兩</small> | 療產後大虛心腹急痛血氣上搶心氣息乏補益方 <small>出大</small> | 欽定四庫全書 普濟方 | 右為細末溫酒調一錢空心臨卧服 | 錢 | 川芎 木香 牡丹皮 延胡索 赤芍 <small>各五</small> | 莪茂 桃仁 大黃 當歸 桂心 <small>去皮 尖炒 濕紙 炒各 一兩</small> | 悶每遇經脉行或多或少及有積塊者 | 蓬莪朮散 <small>出大 良方</small> 治產後血海氣虛腹臟疼痛心胃注 | 二錢同煎至七分同腰子喫 | 右為細末用猪腰子一隻切作片以水一盞入藥末 |
|--------------------------------|---------------------------------------|--------------------------|-----------------|----------------------|----------|---|---|---------------|----------------|---|---|---|-----------------|--|-------------|----------------------|



| |
|--|
| <p>右為細末醋糊為丸如豆大每服二三十丸食前酒下</p> |
| <p>竹根湯 <small>出千金方</small> 治產後虛煩</p> |
| <p>甘竹根 <small>細切一斗五升</small></p> |
| <p>右以水二斗煮取七升去滓用小麥二升大棗二十枚復煮麥熟三四沸內甘草一兩麥門冬一升湯成去滓服五合不瘥更服取瘥短氣亦服之</p> |
| <p>蘓麻粥 <small>便產須知</small> 治產後鬱多汗汗則大便秘難於用藥唯</p> |
| <p>欽定四庫全書 <small>普濟方</small></p> |
| <p>此粥最佳此粥不獨產婦可服老人諸虛人風秘皆可服昔有老人年八十四歲風秘臟腑壅血氣聚膈中腹脹惡心不喜食氣上攻頭目頭神昏迷此藥氣血結糞自下諸病悉去</p> |
| <p>紫蘓子 <small>淨洗各半兩</small> 大麻子</p> |
| <p>右為細研用水再研濾汁一盞分二服煮粥食</p> |
| <p>淡竹茹湯 治產後虛煩頭痛短氣欲絕心中悶亂不</p> |
| <p>解</p> |



| | | | |
|--|----------------------|--------------------|-------------------|
| 生淡竹茹 | 麥門冬 | 小麥 | 甘草 |
| <small>三兩產寶</small> | <small>十四枚產寶</small> | <small>各五升</small> | <small>一兩</small> |
| 生薑 | 大棗 | | |
| <small>用乾葛</small> | <small>用石膏三兩</small> | | |
| 右呶咀以水一斗煮竹茹小麥取八升去滓乃內諸藥煮取二升去滓分二服羸人分作三服若有人參入一兩若無人參內茯苓一兩半亦佳人參茯苓皆治心煩悶及心虛驚悸安定精神有則為良自無依方一劑不剉更作苦氣逆者加半夏二兩 | | | |
| 芍藥梔鼓湯 | | | |
| <small>出拔</small> | | | |
| <small>禳方</small> | | | |
| 治產後虛悶不得眠 | | | |
| 欽定四庫全書 | | | |
| | 普濟方 | | |
| 芍藥 | 當歸 | 梔子 | 香鼓 |
| | | <small>各五錢</small> | <small>半合</small> |
| 右如前修產後傷寒便同下後變證 | | | |
| 治產後煩渴潮熱 | | | |
| <small>出危</small> | | | |
| <small>氏方</small> | | | |
| 用五苓散枇杷葉去白毛蜜塗灸用麥門冬二十粒去心煎湯服 | | | |
| <small>方見寒暑濕</small> | | | |
| <small>門中暑類</small> | | | |
| 治產後心悶手脚寒熱氣力欲絕血暈連心頭硬及寒熱不禁用接骨木破如筭子一握以水一升煎取半升分溫二服或小便數惡血不止服之即瘥此木可煮三次 | | | |



其力一般此是起死人方

治產後心悶手足煩熱厥厥氣欲絕血暈心頭硬作熱

增寒忍不禁

出肘
後方

用續斷皮一握剉以水三升煮取一升分三服服

如人行二三里再服無所忌此藥救產後垂死

治產後心悶手足煩熱氣力欲絕血暈心頭硬及寒熱

不禁

出肘
後方

用玄胡索炒搗為末酒服一錢匕亦治穢污不盡

欽定四庫全書

普濟方

腹滿

千金三物黃芩湯 治婦人在草蓐自發露得風四肢

苦煩熱頭痛者與小柴胡湯頭不痛但煩者此湯主之

黃芩一兩 苦參二兩 乾地黄四兩

右以水八升煮取二升溫服一升多吐下蟲

腎氣湯 治婦人病飲食如故煩熱不得卧而反倚怠

者何也師曰此名轉胞不得溺也以胞系子戾故致此

病但利小便則愈



| | | | | | | | | | | | | | | | | |
|---|----------------------------------|-----------------|--|-----|----------------------|----------------------|----------------------|------------------------------|--------------------------|---|---------------------|-----------------------|---|--------------------|---|--|
| 艾煎丸 <small>出衛生家寶方</small> 治婦人產後血海虛弱面無顏色腹痛 | 用大劑芎歸湯 <small>方見本門諸疾類</small> | 生薑醋小便煎服弱房人煎湯服亦得 | 產後榮血暴竭 <small>便產須知</small> 治婦人血禁失音衝惡用鑰匙以 | 生地黃 | 滓溫服虛甚者用熟地黃食前服一方血熱甚者加 | 片煎至一盞去米竹葉入藥并棗三枚煎去七分去 | 右呶咀每服四錢水二盞先將粳米一合淡竹葉十 | 欽定四庫全書 <small>普濟方</small> | 麥門冬 <small>一兩</small> | 人參 <small>當歸</small> 乾地黃 桂心 <small>各一兩</small> 白芍 <small>二兩</small> | 骨節疼痛脯時輒甚與大病虛煩相類急宜治之 | 生內熱內熱曰煩其證心曾煩悶吸吸氣短頭痛悶亂 | 人參當歸散 <small>出大方</small> 治產後去血過多血虛則陰虛陰虛 | 右呶咀以水六升煮取二升去滓分三服日三 | 牡丹皮 <small>三兩</small> 桂枝 附子 <small>炮各一兩</small> | 乾地黃 <small>八兩</small> 薯蕷 <small>四兩</small> 山茱萸 <small>四兩</small> 澤瀉 茯苓 <small>三兩</small> |
|---|----------------------------------|-----------------|--|-----|----------------------|----------------------|----------------------|------------------------------|--------------------------|---|---------------------|-----------------------|---|--------------------|---|--|



| | | | | | | | | | | | | | | | | |
|-------------|---|--|-----------------------------|----------------------------|------------------------|--|--|-------------------|---|---|---------------------------|--|------------|--|--|-----------------------|
| <p>身體倦怠</p> | <p>艾葉 <small>去梗 一</small> 乾薑 <small>半</small> 當歸 <small>四兩 洗</small> 附子 <small>二個 炮去皮尖切</small></p> | <p>白芍藥 <small>半</small> 熟乾地黄 <small>四兩 洗</small></p> | <p>右五味各切細用米醋五升煮乾取出焙乾為末醋</p> | <p>糊丸如桐子大每服三五丸酒下不吃米飲食前</p> | <p>忌生冷物 又方燒荔枝核灰研和服</p> | <p>烏金散 <small>出衛生家寶方</small> 治婦人產十八種疾宜預服不生諸病</p> | <p>沒藥 <small>半兩 生</small> 血餘 <small>半兩 男子 燒灰</small> 紅花子 <small>一分 生</small></p> | <p>欽定四庫全書 普濟方</p> | <p>伏龍肝 <small>一分 研</small> 當歸 <small>半兩 微炒</small> 乾栢葉 <small>一分 爛杵</small></p> | <p>赤龍鱗 <small>半兩 燒灰存性</small> 鱈魚鱗 <small>半兩 燒灰存性</small> 香墨 <small>一分 燒紅</small> 凌霄 <small>半兩 生</small></p> | <p>右為末每服二錢熱酒下不拘時候酒不宜多</p> | <p>玄胡索散 <small>產經</small> 治產後血氣攻刺疼痛不止及新舊虛實</p> | <p>痛不止</p> | <p>當歸 <small>酒浸</small> 玄胡索 赤芍藥 蒲黃 <small>紙隔炒</small> 乳香 <small>水研</small></p> | <p>桂 <small>不見火 去皮</small> 沒藥 <small>各五錢</small></p> | <p>右計七味細末挑三錢酒調空心下</p> |
|-------------|---|--|-----------------------------|----------------------------|------------------------|--|--|-------------------|---|---|---------------------------|--|------------|--|--|-----------------------|



| | | | | | | | | | | | | | | | | |
|--------------------------------------|----------------------------------|-----------------------------------|-------------------------------------|----------------------------------|--|---|--|---------------|---|---|----------------------------|---|---|---|---|-----------------|
| 四物湯 <small>經產</small> 治大產小產對證合服立效 | 腹中刺痛惡物不下 <small>加當歸芍藥各半錢</small> | 口舌乾欲飲水 <small>加括蘇麥門冬去心各一錢</small> | 水停心下微吐逆 <small>加木猪苓茯苓防己各分半錢</small> | 虛寒狀類傷寒 <small>加人參柴胡防己各半錢</small> | 發寒熱 <small>加乾薑牡丹芍藥各半錢</small> 燥大渴 <small>加知母石膏各半錢</small> | 因熱生風 <small>加川芎柴胡各半錢</small> 虛煩不得眠 <small>加人參竹葉各半錢</small> | 大便秘 <small>加大黃半錢炒</small> 頭痛或身熱 <small>加柴胡黃芩各半錢</small> | 欽定四庫全書 普濟方 | 小便澀 <small>加桃仁去皮尖炒半錢</small> 腹脹 <small>加厚樸枳實炮各半錢</small> | 滑瀉 <small>加官桂附子各半錢</small> 嘔 <small>加人參白朮各半錢</small> | 血崩 <small>加地黃蒲黃各一錢</small> | 山蘄散 <small>楊氏家藏方</small> 治產後諸疾血氣作痛散堅塊逐惡血 | 當歸 <small>洗微炒</small> 沒藥 亂髮 <small>用男子髮入小藏瓶燒灰</small> | 凌霄花 <small>兩各半</small> 紅花子 伏龍肝 甘柏木 | 松煙墨 <small>燒各一分</small> 鯉魚鱗 <small>燒一兩</small> | 右件為細末每服二錢熱酒調服食前 |
|--------------------------------------|----------------------------------|-----------------------------------|-------------------------------------|----------------------------------|--|---|--|---------------|---|---|----------------------------|---|---|---|---|-----------------|



| | | | | | | | | | | | | | | | | |
|---------------------------------------|--|---|-----------------------------|-----------------------------|----------------|---|------------------|-------------------|---|--|--|--|--|-----------------------------|-----------------------------|-----------------------------|
| <p>黑神丸 <small>楊氏家藏方</small> 治產後諸疾</p> | <p>巴豆 <small>半兩以水兩碗煮盡去皮心出油</small></p> | <p>肉桂 <small>半兩</small> 黑附子 <small>半兩炮去皮尖</small></p> | <p>右為末麩糊丸如蘿蔔子大每服三丸五丸冷茶下</p> | <p>熱茶投之瀉下三五行了以粥止瀉出惡物百病皆</p> | <p>除一日内忌熱食</p> | <p>保生丸 <small>王氏博濟方</small> 治產前產後血氣風冷及是婦人所患</p> | <p>一切疾病皆理療神驗</p> | <p>欽定四庫全書 普濟方</p> | <p>金釵石斛 <small>一分別研</small> 秦艽 官桂 <small>去皮</small> 乾地黄</p> | <p>貝母 防風 糯米 甘草 <small>炮</small> 乾薑</p> | <p>細辛 <small>已上各一分</small> 當歸 蜀椒 <small>去黑子只取皮</small></p> | <p>大麻仁 大豆卷 <small>黑豆皮是</small> 黃芩 <small>已上各二分</small></p> | <p>石膏 <small>明淨者</small> 麒麟竭 沒藥 龍腦 <small>各一錢半</small></p> | <p>右一十九味並須州土新好者大分細搗羅為末煉</p> | <p>蜜六兩熟須入水一分同煉令水盡和藥為丸先杵</p> | <p>五百下後丸如彈子大勻可成七十二丸用湯使治</p> |
|---------------------------------------|--|---|-----------------------------|-----------------------------|----------------|---|------------------|-------------------|---|--|--|--|--|-----------------------------|-----------------------------|-----------------------------|



欽定四庫全書

普濟方

產伏如後 產前產後血風頭旋身戰用薄荷酒下
月信不通當歸酒下 赤白帶下溫酒下 婦人臨
產難產胎衣不下子死腹中橫產倒生死絕不語但
看心頭熱氣在取一丸用芎藭湯研灌口中但入喉
立甦神妙 產後惡血不盡臍腹疼痛嘔吐發熱增
寒煩悶月後不調或多或少皮膚腫產血不止虛勞
中風口噤不語半身不遂產前產後赤白痢大便秘
澁渴血暈誑語見鬼頭痛面色痿黃漸成勞瘦飲食
無味已上病狀並用溫酒研下一丸服至五七丸臨
產五臟不痛男女易生神驗難述催生當歸酒下
產後中風血暈生地黃同煎十沸研藥一丸灌之立
差 禦風但五旦度爛嚼一丸空下熱酒下或浴後
嚼一丸溫酒下 小兒天弔驚風薄荷酒下一丸分
作三服以衣被蓋但汗出相次揭衣被便當風坐卧
立差其婦人身邊一切諸病但以溫酒及當歸薄荷
同研一丸立差



阿膠丸 治產前產後神妙方

真阿膠

四片火炙
令熱為度

蛇蛻皮

一條
燒灰

敗筆

一管用頭
連艾燒灰

大麥花

少許炙乾如無此花
以麥牙代之為末

右件五味藥一處碾研細以軟糯米飲為丸如鷄頭
大如丸時粘手以少許麪為丸如婦人有身十箇月
滿足者有諸般疾病用井花水磨下一丸產後有病
用通靈散一字醋湯調磨水一丸此藥大安胎臟如
築打着及胎死在腹中用醋湯下一丸產噫用千金

欽定四庫全書

普濟方

散子一字熟水調下一丸產前後被血衝心用黃散
子半錢醋湯調下一丸產後遺瀝不止用燒鹽半錢
無灰酒下一丸難產者三日至五日服此立下用通
靈散子一字醋湯調下一丸如女人產時衣先下兒
未見足踏衣生用通靈散一字調下一丸如兒先下
衣未見須臾用醋湯下一丸如前後必用通靈散子
一丸調下一丸如漿破後經三五日不生用黃散子
酒調下一丸產前產後痢醋湯下一丸血氣用艾枝



| | | | | | | | | | | | | | | | | |
|--------|----------------------|-----------------------|--------------------|--------|----------------------|------------------------|----------------------|---------------|-------------------|----------------------|--------------------------|-------------------|------------|----------------------|----------------------|-----------------------------|
| 發渴速覓柑皮 | 右為末白湯調二錢許服其效莫述千金方云產後 | 柑子皮 <small>焙乾</small> | 柑皮湯 治產後發渴經脉過多發渴者亦治 | 亦治淋瀝尿血 | 右搗取汁二升醋二合和同服飲一杯或濃煮汁飲 | 葶草 <small>不拘多少</small> | 葶草汁 治產婦大喜汗出污衣赤色及膏淋尿血 | 欽定四庫全書 普濟方 | 下六七日腹滿痛宜麻仁丸又宜食蘓麻粥 | 右為末蜜丸如梧桐子大每服七十丸空心米湯吞 | 橘紅 杏仁 <small>各等分</small> | 橘香丸 治產後傷血津液暴竭大便閉澀 | 日三服忌生冷硬醋滑物 | 抄二錢水一盞煎至七分如寒多熱服熱多寒服一 | 右件六味羅為細末後入沒藥再研勻重羅過每服 | 天台烏藥 沒藥 <small>各二錢半</small> |
|--------|----------------------|-----------------------|--------------------|--------|----------------------|------------------------|----------------------|---------------|-------------------|----------------------|--------------------------|-------------------|------------|----------------------|----------------------|-----------------------------|



| | | | | | | | | | | | | | | | | | |
|----------------------|-------------------------------|------------------------------|-------|-----------------------|-----------------------|--------------|-----------------------|-------------------------------|------------------------------|------------------------------------|----------------|--------------------|--|-----------------------|--------------|---------------------------------|----------|
| 右件用好醋二升半無灰酒二升生薑自然汁一升 | 大艾葉 <small>炒出取細末五兩</small> | 乾薑 <small>炮取細末二兩半</small> | 或寒熱往來 | 肢倦乏肌肉消瘦及脾元虛損不入飲食或吐痢自汗 | 養氣活血丸治產後諸虛不足若傷血氣真元內弱四 | 服熱退住服或四物湯蘓木煎 | 右計一兩二錢桃仁五錢水一盞半煎至八分日進三 | 甘草 地骨皮 <small>各一分半</small> | 欽定四庫全書 <small>普濟方</small> | 熟地黄 <small>三分</small> 當歸 白芍藥 秦艽 柴胡 | 秦艽湯 治偶傷風惡熱渾身疼痛 | 右咬咀每服四錢用水一盞半煎七分去滓服 | 枳實 <small>一兩半</small> 白朮 <small>三兩</small> | 枳朮丸 治產後心腹堅大如盤水飲所作名曰氣分 | 右二味為末每服二錢米飲下 | 香附 酸石榴皮 <small>米醋炒等分</small> | 榴附飲 治產後瀉 |
|----------------------|-------------------------------|------------------------------|-------|-----------------------|-----------------------|--------------|-----------------------|-------------------------------|------------------------------|------------------------------------|----------------|--------------------|--|-----------------------|--------------|---------------------------------|----------|



| | |
|--|--------------------------|
| 將前薑艾末同調勻放器內慢火熬成膏 | |
| 附子 <small>二兩半</small> | 白芍藥 |
| 白朮 | 椒紅 |
| 川芎 | |
| 當歸 | 紫巴戟 |
| 人參 | 五味子 <small>各二兩</small> |
| 右件藥搗羅為細末入前膏子并炒熟白麩二兩半同和為劑入杵臼內搗一千下丸如梧桐子大每服五十九丸溫酒米飲食空心下 | |
| 沒藥散 | 治產後百疾 |
| 沒藥 | 血竭 <small>各等分</small> |
| 欽定四庫全書 | |
| 普濟方 | |
| 右細末每服二錢用童子小便合酒半盞煎一服溫調下纔產一服上床良久再服其惡血自循下行更不衝上免生百疾 | |
| 小黑神散 治產後產前皆可服大能治血定痛消逐利積亦治橫逆 | |
| 香白芷 <small>炮半兩</small> | 百草霜 <small>細研二錢半</small> |
| 右二味和勻每服二錢醋湯熱服如橫逆用童子小便好醋各一茶脚百沸湯四五分服一方等分白芷 | |



| | | | | | | | | | | | | | | | | |
|----------------|------------------------------|------------------------|--------------------------------------|--|-----------------------|--|------------|-------------------|--|---------------------------|------------------------------|------------------------------|----------------------------|--|--|-----------------------------|
| <p>生用兼治腰脇痛</p> | <p>濟生增損四物湯 治產後陰陽不和乍寒乍熱惡露</p> | <p>停滯亦令寒熱也但看小腹急痛為異</p> | <p>當歸<small>酒浸</small> 白芍藥 川芎 人參</p> | <p>乾薑<small>各一兩</small> 甘草<small>炙半兩</small></p> | <p>右叟咀每服四錢薑三片水煎無時</p> | <p>芍藥湯<small>出保命集方</small> 治產後諸積不可攻當養去熱其病自</p> | <p>退宜服</p> | <p>欽定四庫全書 普濟方</p> | <p>芍藥<small>一觔</small> 黃芩 茯苓<small>各六兩</small></p> | <p>右三味為粗末每服半兩水煎日三去滓溫服</p> | <p>治產後坐草多時寒熱所損腹中成塊忽衝心背臍腹</p> | <p>疼嘔逆惡心不思飲食宜服此方須是大腹冷可喫也</p> | <p><small>出護命方</small></p> | <p>當歸<small>一兩</small> 官桂 桑寄生<small>各半兩</small> 獨活</p> | <p>豆蔻 川芎<small>各一兩</small> 細辛<small>三株</small> 芫花<small>醋炒土器內黃黑色十銖</small></p> | <p>右為細末修製芫花研為末每服衆藥末二錢芫花</p> |
|----------------|------------------------------|------------------------|--------------------------------------|--|-----------------------|--|------------|-------------------|--|---------------------------|------------------------------|------------------------------|----------------------------|--|--|-----------------------------|



| | | | | | | | | | | |
|---|-----------------------------------|--|--|--|--------------------------------------|-----------------------------|-----------|------------------------------|------------------------------------|---|
| <p>末半錢共為一服空心土器內煎葱湯調下熱服 治產後頭冷項重頸軟非時聞頭面上肌肉痺大腑虛 冷頗出後又或無糞或時洩瀉兩足沉重少精神行步 無力面色黃瘦或產後未經百日經後通行忽因誤喫 涼藥有此疾候忽自懷孕時間通身寒冷至產後却有 此疾但合硫黃丸與此藥相間服多服硫黃丸不妨也 吃此一方了却修合下面一方喫此兩方各喫一料</p> | <p>方命 出護</p> | <p>欽定四庫全書 普濟方</p> | <p>防風 藁本 澤蘭 獨活 五味子 <small>各一兩</small></p> | <p>川芎 白芷 當歸 破故紙 白朮 <small>炒</small></p> | <p>石斛 續斷 <small>各半兩</small></p> | <p>右為細末煉蜜丸如梧桐子大早晨空心鹽湯下五</p> | <p>十九</p> | <p>治產後亂喫物致傷損血氣身體虛弱飲食減少眼如</p> | <p>貓兒 <small>出護命方</small></p> | <p>當歸 續斷 官桂 芍藥 桔梗 <small>各半兩</small></p> |
|---|-----------------------------------|--|--|--|--------------------------------------|-----------------------------|-----------|------------------------------|------------------------------------|---|



| | | |
|-----------------------|------|-----------|
| 獨活 | 川芎 | 各一分 |
| 當歸 | 防風 | 桑寄生 甘草 細辛 |
| 是發熱頭痛即不可喫此方 | 出護命方 | |
| 痛時間頭骨內冷痛大腑不調喫食減少宜服此藥若 | | |
| 治產後肝虛中風其狀頭冷痛忽偏痛至晚即痛但頭 | | |
| 許同煎湯下五十丸 | | |
| 右為細末煉蜜梧桐子大早晨空心木瓜二片鹽少 | | |
| 破故紙 <small>炒</small> | 獨活 | 藁本 白朮 |
| | | 各一分 |
| 欽定四庫全書 | 普濟方 | |
| 當歸 | 石斛 | 五味子 川芎 |
| | | 各半兩 |
| 冷此三方藥不可闕一 | 出護命方 | 防風 |
| 生氣非時驚恐一切產後有虛冷中驚悸之候大腑虛 | | |
| 治產後肝氣虛弱風邪所中肝氣既虧不能生心心乏 | | |
| 喫只用土器內煎 | | |
| 右為細末每服四錢水一盞二分煎取一盞空心和滓 | | |
| 細辛 | 各三 | 牽牛 |
| | | 炒 |
| 羌活 | 芫花 | 醋煮炒 |
| | 金黃黑 | |
| | 川芎 | 各一分 |
| | | 牽牛 |
| | | 炒 |



| | | | | | | | | | | | |
|---------------------------------|--|----------|---|----------------------------------|--------|-----|---|-----------------------------|---|-----------------------------|------------------------------------|
| 右為細末每服一錢半水一盞煎取九分間頭冷痛 發作時即空心喫 | 治產後正氣不足咽喉乾口無津液飲食減少大腑不 調又似虛弱之故不可涼其上隔宜服此生液寄生散 | 出護 命方 | 桑寄生 <small>半兩</small> 人參 <small>一分</small> 甘草 <small>炙三株</small> 沉香 <small>一株</small> | 右為細末非時口含化嚥津每服一錢八分水一盞 煎至六分時喫亦得 | 欽定四庫全書 | 普濟方 | 治產後大腑虛冷却因用性淤怒其氣上逆因而血暈 其狀頭覺重痛昏昏如醉思睡語聲低小宜喫此方若 是大腑熱并血暈時壯熱頭痛不可喫此藥已有上見 | 藥方 <small>出肘 後方</small> | 麻黃 <small>去根</small> 延胡索 川芎 防風 <small>各一分</small> | 官桂 <small>去皮 半兩</small> | 右為細末每服一錢半水一盞煎取九分非時去滓 喫不要多喫病住即止藥 |
|---------------------------------|--|----------|---|----------------------------------|--------|-----|---|-----------------------------|---|-----------------------------|------------------------------------|



| | | | | | | | | | | | |
|--|--|---------------------------------------|---|--------|-----|----|---------------------------------|--|--------------------------|---|-----------------------|
| 治產後大腑虛冷因怒後成血暈喫前方藥末效却更 加頭痛壯熱面赤如醉宜喫此方 <small>出護命方</small> | 牡丹皮 <small>去心</small> 荆芥穗 羌活 麻黃 <small>去根各一分</small> | 右為細末每服二錢水八分一盞煎一兩沸急瀉出 食後徐徐去滓熱喫病減即住藥 | 治婦人忽因經候行時忽因產後喫生冷不相當之物 忽產後起早衝風傷損血氣俱病經候過多臨經候行 時氣痛不可勝忍方但婦人血氣痛俱可與此方 <small>出萬全護</small> | 欽定四庫全書 | 普濟方 | 命方 | 當歸 續斷 獨活 艾葉 <small>炙</small> 芍藥 | 木香 芫花 <small>醋土器內炒微黃</small> 官桂 <small>各一分</small> 延胡索 | 川芎 牛膝 <small>各半兩</small> | 右細杵羅為末每取二錢半土鉢內煎葱湯調下空 心喫若喫數服未安其人必大腑熱每服添熟牽牛 子半夏末半錢喫 | 治產後小遺登後早葱亂物早宮臟傷風飲食減少近 |
|--|--|---------------------------------------|---|--------|-----|----|---------------------------------|--|--------------------------|---|-----------------------|



十日遠經半月飲引食不進纔喫一口湯水即聞所喫
湯水巡歷方由胃中而下入胃既入胃仍舊不出面色
青黃形體困重宜服此方若得此病須是每日喫得一
兩盞酒方可延得半月未死急宜治之

細辛 官桂

川芎

當歸

各半兩

羌活

藿香

各一分

吳茱萸

三朱甘草

炙四株

右為細末每服三錢空心煎防風湯調下喫了渾身
手足暖忽頭痛即連喫一二盞候通身發熱忽行下

欽定四庫全書

普濟方

惡血物即便安樂也若人得此病須是依得上面題
目方可喫此藥

治產後熱悶氣上衝變為脚氣者何答曰產卧血虛復
因春夏取涼過多地之蒸濕因足履之而為脚氣之狀
熱悶掣癢驚怖心煩嘔吐氣上皆其候也服小續命湯
二三服自愈醫人誤遂以敗血藥攻之則血去而疾盛
增矣

人參 黃芩

桂皮去

麻黃


去節

防已



| | | | | | |
|---------|-------|----------|----------|------|----|
| 川芎 | 甘草 | 白芍藥 | 白朮 | 各二錢 | |
| 附子 | 炮黑一錢 | 防風 | 半一錢 | | |
| 右計一兩一錢半 | 剉末作四服 | 生薑五片 | 水二盞煎 | | |
| 一盞 | 溫服 | 評云脚氣故是常病 | 未聞產後能轉為者 | | |
| 初不知脚氣 | 得之不覺 | 因他病之後 | 血氣方發 | 產後 | |
| 既虛發則無疑 | 小續命湯 | 知其證 | 加木瓜煎 | 引入經 | |
| 絡治之 | 切忌湯藥 | 淋洗 | | | |
| 治產後壯熱 | 頭痛頰赤 | 口乾唇焦 | 多煩渴燥 | 昏悶不爽 | |
| 欽定四庫全書 | | 普濟方 | | | |
| 松花 | 川芎 | 石膏 | 蒲黃 | 等分 | |
| 右為末 | 每服二錢 | 水二合 | 紅花一捻 | 同煎七分 | 去滓 |
| 粥後 | 溫溫細呷 | | | | |
| 治產後下白涕 | 不止方 | | | | |
| 當歸 | 白芷 | 杜仲 | 萹藨 | 各一兩 | |
| 兔絲子 | 牡蠣 | 艾葉 | 龍骨 | 各半兩 | |
| 川芎 | 山茱萸 | | | | |
| 右為細末 | 兩三次 | 羅如飛塵 | 空心鹽湯 | 下三錢 | |



| | | | | | | | | | |
|--|--|--|---|-----------------------------------|---------------------|------------|--|--|---------------------------|
| 濟危上丹 治產後所下過多虛極生風氣無所主唇 青肉冷汗出目嗔神昏命在須臾 | 乳香 <small>研</small> 五靈脂 <small>糖心香潤 水淘出砂</small> 生硫黃 <small>別研</small> 阿膠 <small>炒</small> | 玄精石 <small>別研極細四味和 瓦器微炒再研</small> 生卷柏 <small>焙</small> | 桑寄生 <small>無以續 斷代</small> 淨陳皮 <small>各等 分</small> | 右後四味細末和前藥地黃汁和丸梧子大每服二 十九丸空心當歸酒下 | 紫湯 破血去風除氣防熱產後兩日尤用服之 | 欽定四庫全書 普濟方 | 用烏豆五升選擇令淨清酒一斗半炒豆令烟向 繞投入酒中看酒赤紫色乃去豆量性服可日三 盞如風中口噤即加鷄屎白二升和熬投酒中神 驗 | 治產後血病 取  藥乳及水煮服之 | 治婦人產後冷血 以櫓炒令黑及熱投酒中漸漸飲之 |
|--|--|--|---|-----------------------------------|---------------------|------------|--|--|---------------------------|



治產後疾

以蓼蕎作羹食之良

治婦人虛羸勞損因產瘦血氣結積腹內冷痛腸鳴下痢腰痛癥瘕崩中大下以淡菜燒食一頓令飽大效又名殼菜常時頻燒食即若不宜人與少米先煮熟後除肉內兩邊鑠及毛了再入蘿蔔或紫蘇或冬瓜皮煮作臙食之

治產後血氣暴虛汗出

欽定四庫全書

普濟方

用淡竹瀝三合微煖服之須臾再服

治產後惡露不盡怯起衝心腹中攪痛及經絡不通

以細研乳頭香為末方寸匕酒煎蘇方去滓調服
立下惡物差

治產後秘結膨脹不通轉氣急坐卧不安

以大麥蘖末一合和酒服食良久通轉驗

治產後諸血氣

以白馬屎汁溫服之



| | | | | | | | | | | | | | | | | | | | | | |
|-------------|---------------|----------|-------------|----------|-----------------|-------------|----------|--------|------------|-----|----------------------|-----|-----|-----|------|-----|----------------------|-----|-----------------|-------------|-----|
| 治婦人產後腸中痒不可忍 | 以針線袋安所卧褥下勿令知之 | 治產後破血止血渴 | 以小白芋煮食之飲其汁良 | 治婦人產後腹中癢 | 用箭箝及鏃安所卧席下勿令婦人知 | 治產後諸疾結痛血上欲死 | 以倒掛藤煮汁服之 | 欽定四庫全書 | 出朱氏 集驗方 | 聚珍丸 | 治婦人小產後虛羸百節疼痛不進飲食百藥不效 | 艾煎丸 | 卷柏丸 | 茴香丸 | 烏雞煎丸 | 巴戟丸 | 右五味合作一藥鹽湯溫酒任下兼服沉香荆芥散 | 張氏方 | 治幼婦初產傷水多有此證殺人最急 | 用鰾膠為末酒服滓傳傷處 | 集驗方 |
|-------------|---------------|----------|-------------|----------|-----------------|-------------|----------|--------|------------|-----|----------------------|-----|-----|-----|------|-----|----------------------|-----|-----------------|-------------|-----|



| | | | | | | | | | | | | | | | | | | | | |
|-----------------------|------|---------------|---------------------|-------------|--------------------|----------|-------------------------|-----------------------|--------|-----|--------------------|--------|-------------------|----------|--------------------------|---------------------|-------------------|---|--------|-------------------|
| 凡產後七日內惡血未盡不可服湯候臍下塊散乃進 | 產後調補 | 之冬月取根杵碎炒及熱準前用 | 用蒴藿葉火燎厚鋪床上趁熱即卧於上冷復易 | 治產後傷冷腰痛動不得者 | 取芒硝燒為末酒下或以酒煮彌久著煙者佳 | 血去鬼氣痲痛癥結 | <small>出本 草</small> | 治產婦血滿腹脹痛血渴惡露不盡月閉止好血下惡 | 欽定四庫全書 | 普濟方 | 右為末每服一錢粥飲調下尋常痛發可常服 | 熟地黄 橘皮 | <small>等分</small> | 治產後血痛如刀刺 | <small>出大 良方</small> | 苦薺煎沸湯候通手淋洗 又馬齒莧煎湯熏洗 | 海上方 新產便用此方可無破傷風之患 | 人 | 防風 天南星 | <small>等分</small> |
|-----------------------|------|---------------|---------------------|-------------|--------------------|----------|-------------------------|-----------------------|--------|-----|--------------------|--------|-------------------|----------|--------------------------|---------------------|-------------------|---|--------|-------------------|



羊肉湯有痛甚切者不在此例後三兩消息可服澤蘭丸此至滿月丸盡為佳不爾虛損不可平復也全極消瘦不可救者服五石澤蘭丸凡在蓐必須服澤蘭丸補之服法必七日外不得早服也 若產後將息如法四肢安和無諸疾者亦須先服黑神散四服亦畧脩補益丸散之類不可過多又恐因藥致疾不可不戒如四物湯四順理中丸內補當歸丸當歸建中湯或產婦血盛初經生產覺氣悶不安者調七寶散服之若寧貼不須

欽定四庫全書

普濟方

服若三日後覺壯熱頭痛曾腑氣刺者不可便作傷寒風治之此是乳脉將行宜服玉露散一二服如無此證不須服若因床帳大煖或產婦氣盛或素多喜怒覺目眩暈如在舟中車內精神鬱冒者此是血暈即須服血暈藥一二服止仍須看承之人照管體問也或覺粥食不美虛困即服四順理中丸一二服若不如此不須服若於兩三日間覺腹中時時撮痛者此為兒枕作痛必須服治兒枕藥二三服若大便秘或小便澁切不可服



通利藥以其無津液故也若通利之藥則滑泄不禁不可治也切須戒之若秘甚必欲通利者方可服和煖湯即通 凡產後宜常進溫粥食勿則熱熱則滯血七日之後方可與酒及些鹽味煮羊肉猪蹄肉及猪肚中物忌母猪及白蹄猪宜烏鷄及雞蛋煖血食物不宜過多及生冷肥膩恐成積滯大抵正產止是血臟空虛補其虛生好血化惡血保其臟氣去其風邪耳

方

欽定四庫全書

普濟方

地黄羊脂煎出上海上方治婦人產後欲令肥白飲食平調方

見本門產後虛羸類

羊肉湯出千金方治產後及傷寒大虛上氣腹痛兼微風

茯苓 黃芪 乾薑各三兩 甘草 獨活

桂心 人參各二兩 麥門冬七合 生地黃五兩 大棗二十枚

肥羊肉二觔無羊肉用摩腐代

右咬咀以水二斗煮肉取水一斗內藥煮取三觔半

分四服日三夜一一方無乾薑



產後醋墨

出大全
良方

以松煙墨不拘多少用炭火煨通紅以米醋淬之

再煨再淬如此七度研令極細用絹羅過纔產了喫

醋墨三錢用童子小便調下

四順理中丸

出千
金方

治產後氣血俱傷五臟暴虛四肢羸

弱少氣多汗直至百晬每日常服壯氣補虛調養臟

氣蠲除餘疾消穀嗜食兼治產後臟虛嘔吐不止瀉

附子

甘草

人參

白朮

欽定四庫全書

普濟方

乾薑

各一
兩

右為細末蜜丸如梧子大每服十九丸增至二十九丸溫

米飲湯調下纔產了以童子小便打開點服七日內

三日服 產乳方云此乃大理中丸加甘草兩倍耳

然其功比之四味等物分大故不同蓋取甘味以緩

其中而通行經絡之功最勝者也此產婦月內不可

闕者出月不須服矣古方中有婦人補益之藥大澤

蘭丸小白微丸熟乾黃丸大聖散之類其藥味稍衆



而中下之家村落之地卒何以致且藥肆少有真者
不若以四順理中丸易之較其功此澤蘭丸之類主
治頗多也

產如未出月飲酒或喫藥宜造黑豆酒

用淨黑豆一升炒令甚熟以無灰酒五升淋之仍
入羌活一兩同浸尤妙時時飲之或用此酒下藥
可以辟風邪養血惡露行乳脉

當歸人參散 治產後虛損痿弱難以運動疼痛胃滿

欽定四庫全書

普濟方

不思飲食

當歸 白朮 黃芩 芍藥 大黃

茯苓 陳皮各半兩 人參 黃耆 厚樸薑製

川芎 官桂各三錢 甘草一兩 枳殼四錢去穢炒

右末每服三錢水一盞半薑三片煎至六分去滓不
拘時溫服如大便閉以此散下和中丸

治新產婦

用黑雄鷄一隻理如食法和五味炒熟香即投二



| | | | | | | | | | | | | | | | | |
|----------------|------|---------------------|----|---------|-----------------|-------------------|--------------------|------------|--------------------|-----------------|-----------------------------------|----------------------|----------------------|-------|-----------------------|-----|
| 升酒中封口經宿取飲之令大肥白 | 治新產婦 | 用黑雌雞和烏油麻二升熬令黃香末入酒酒盡 | 極效 | 補中丸 宜常服 | 川芎 白芍藥 黃耆 當歸 人參 | 陳皮 各半 白朮 地黃 各一 | 右為丸煉蜜如梧子大每服五七十九溫水下 | 欽定四庫全書 普濟方 | 滋血湯 滋養榮血補婦人諸虛治血海久冷 | 當歸 川芎 芍藥 人參 麥門冬 | 牡丹皮 阿膠 各三 琥珀 三分 酸棗仁 炒 粉草 | 桂心 各 半夏 二兩 麩 半 | 右為粗末每服三錢水一盞薑三片煎七分去滓溫 | 服一日三服 | 大保生丸 調和本氣主療諸疾滋補榮衛久服之大 | 有功德 |
|----------------|------|---------------------|----|---------|-----------------|-------------------|--------------------|------------|--------------------|-----------------|-----------------------------------|----------------------|----------------------|-------|-----------------------|-----|



| | | | | | | | | | | | | | |
|------------------------------|------------------------------|------------------------------|---------------------------|---------------------------|--------------------------------------|---------------|---|---|---------------------------------|------------------------|------------------------------|--|----------------------|
| 人參 藁本 白茯苓 當歸 乾地黄 | 赤石脂 白芷 玄胡索 肉桂 白薇 | 白芍藥 川芎 白朮 甘草 牡丹皮 | 沒藥 <small>兩 各半</small> | 右為細末煉蜜丸如彈子大每服一丸溫酒化下空心食前服之 | 滋陰丹駐養血和氣調順榮衛充盛肌膚活血駐顏久服大補衝任勻順月經神良不可具述 | 欽定四庫全書 普濟方 | 熟地黄 白茯苓 人參 <small>兩 各三</small> 甘菊花 枸杞子 | 黃耆 丹參 栝子仁 <small>炒 各一</small> 白芍 <small>兩 各一</small> 生地 <small>兩 二</small> | 右為細末蜜和丸如梧子大每服五十九至六十九丸米飲空心下日進二三服 | 八珍湯 和榮調衛理順陰陽滋血氣進美飲食 | 當歸 川芎 赤芍藥 熟地黄 人參 | 茯苓 甘草 縮砂仁 <small>分 各等</small> | 右為粗末每服三錢水一大盞入生薑七片棗三枚 |
|------------------------------|------------------------------|------------------------------|---------------------------|---------------------------|--------------------------------------|---------------|---|---|---------------------------------|------------------------|------------------------------|--|----------------------|



去核同煎三五沸去滓放溫空心日三服

人參養血丸 治女人稟受怯弱血氣虛損常服補衝

任調血脉宣壅破積退邪熱除寒痺緩中下堅脹安神

潤顏色通氣悶兼治婦人懷身腹中絞痛口乾不食崩

傷眩暈及產出月羸瘦不復常者

人參 赤芍藥 川芎 葛蒲 各一兩炒

當歸 二兩 熟地黄 五兩 烏梅肉 三兩

右為末蜜搜杵數千下丸如桐子大每服五十九至

欽定四庫全書

普濟方

百丸溫酒米湯任下食前服

拱辰丹 治當壯年而真氣猶怯此乃稟賦素弱非虛

衰而然也燔燥之藥尤宜速戒勿謂手足厥逆便云陰

多如斯之證治之不惟不能愈疾大病自此生矣滋益

之方羣品稍衆藥力細微難見功效但固天元一氣使

水升太陰則五臟自和百病自去此方主之

鹿茸 酥炙去毛皮角 山茱萸 新好有肉紅潤者

川當歸 各四兩 麝香 半兩別研



| | | | |
|--------------------------------|----------------------------------|--------|-------------|
| 暖宮丸 | 右為末入麝香拌勻酒煮麪糊為丸如梧桐子大每服百粒或五十粒溫酒鹽湯下 | | |
| 當歸 | 川芎 | 禹餘糧 | 醋滓七次 各一兩 |
| 附子 | 炮去皮 | 桂心 | 各三兩 |
| 右為細末酒糊丸如梧桐子大空心酒服三十九日進二三服增至五七十丸 | 治產後更無他狀 | 欽定四庫全書 | 普濟方 |
| 肥羊肉脂 | 當歸 | 生薑 | 二兩 六兩 |
| 右切以水一斗 | 溫分服若覺惡露下不盡加桂心 | 兩 | 關 |
| 翦 | 兩覺有氣加細辛二兩覺有加 | 關 | 關 |
| 地黄汁二合 | 庵劉尚書第五子 | 卿叔謙之內李 | 關 |
| 母不得而情動於中又 | 勞後四肢困倦躁 | 關 | 關 |
| 減少食則嘔吐弱 | 急情嗜卧醫作傷寒以 | 關 | 關 |



又以小柴胡大柴胡之類治之至十餘日之後病

闕

生家前藥

闕

無效莫非宅證否醫曰此傷六經傳變

至再經得汗則愈異日見爪甲微青黑色足跖至腰如水目上視覩不轉睛咽嗑不利小腹上衝而痛嘔吐不止息氣欲絕以為不救日久命視之具說病證及所服之藥予診其脉沉細而微此中氣不足妄作傷寒治之發表攻裏中氣愈損壞證明矣大夫人泣下避席曰病固危困君盡心救治予笑以辛熱之藥呔咀一兩作一

欽定四庫全書

普濟方

服合夜藥熱而不能飲續續灌之下一時飲至半夜稍有吟呻之聲體漸溫忽索粥飲至旦食粥兩次又煎服投之至日高衆醫診之曰脉已生證已回矣衆喜而退後三日大夫人曰病人大便不利或曰以脾約丸潤之可也予曰前證用大辛熱之劑陽生陰退而愈以大黃之劑下恐寒不協轉生他證衆以為不然遂以脾約丸二十九之至夜下利而行異日而色漸青精神困弱嘔吐復行予再以辛熱之劑溫之而愈名曰溫中益氣湯



溫中益氣湯

附子炮去皮 乾姜炮 丁香 藿香 吳茱萸

炙甘草一錢 當歸三錢 草豆蔻一錢 益智仁二錢

參半一錢 白朮二錢 陳皮半一錢 白芍藥二錢

內經曰寒淫於內以辛熱佐以苦甘溫附子乾姜大

辛助陽退陽故以為君草豆蔻益智仁丁香藿香

吳茱萸辛熱溫中上吐為臣人參當歸白朮陳皮白

芍藥炙甘草苦甘溫補中益氣和血脈脇力為佐

欽定四庫全書

普濟方

右件呿咀每服五錢水二盞煎至一盞去滓溫服食

前病人服一兩

治產後餘惡血未下因感風邪與熱血相搏壯熱頭痛

面赤如醉人眼色瘰急昏悶不醒身如在虛空見

食即吐食不住腹宜吃此方出護命方

麻黃去根 麥門冬去心 黃芩 牡丹皮去心 羌活 大

黃炮 荊芥穗 山梔 射干各半 官桂去皮

右為細末不要熬只生杵每服二錢濃薄荷湯調



| | | | | | | | | |
|--|---|------------------------|--|----------------------------|-----------------------|-----------------------------------|------------------------------|------------------|
| <p>下大腑祕熱出後不通煎前面藥二錢半取汁調 下牽牛末一錢半半夏末一字和滓吃大腑不熱不 服牽牛半夏末</p> | <p>琥珀地黄丸 <small>出護類 鈐方</small> 治產後惡露不行增寒發熱如</p> | <p>瘧晝日明了暮則譫言當作熱入血室</p> | <p>琥珀 <small>別研</small> 延胡索 <small>糯米炒 去米</small> 當歸 <small>各一兩</small> 蒲黃 <small>四兩 炒</small> 生地 <small>各二斤 研汁留滓</small> 生薑 <small>生薑汁 石器內炒</small> 黃 <small>留滓</small> 地黃 <small>滓以地黃汁炒</small> 姜滓 <small>各令汁乾</small></p> | <p>右為末蜜丸彈子大空心當歸湯下兼服四物湯</p> | <p>欽定四庫全書 普濟方</p> | <p>只用地黃加北柴胡煎末退再加小柴胡生地黃黃 芩</p> | <p>治產後血不出 用懸鈎根皮濃煮汁服之</p> | <p>普濟方卷三百四十五</p> |
|--|---|------------------------|--|----------------------------|-----------------------|-----------------------------------|------------------------------|------------------|

